



COMUNE DE PÀDRIA

ÒRGANOS ISTITUTZIONALES
UFÌTZIU DE SU SÌNDIGU

Ordinàntzia N. 4 de su 14/09/2020

Ogetu: CONSULTAZIONES ELETORALES DE SU 20 E 21 DE CABUDANNI 2020. SERRADA LOCALES ISCOLA DE S'INFÀNTZIA ISTATALE DE PÀDRIA PRO APRONTADURA SÈGIOS, OPERATZIONES DE VOTAZIONES E ISCRUTÌNIU E SANIFICATZIONE DE SOS LOCALES

SU SÌNDIGU

PREMÌTIDU chi, cun su DPR 17 de trìulas 2020, publicadu in sa G.U. Sèrie Generale n. 180 de su 18/07/2020, est istadu cunvocado, pro sas dies 20 e 21 de cabudanni 2020, su referendum popolare cunfirmativu chi at su cuesitu sighente:

Aprovades su testu de sa lege costituzionale chi pertocat "Modìficas a sos articulos 56, 57 e 59 de sa Costituzione in matèria de ridutzione de su nùmeru de sos parlamentares" aprovadu dae su Parlamentu e publicadu in sa Gazzetta Ufficiale de sa Repùblica italiana n. 240 de su 12 de santugaine 2019?

LEADU ATU chi, cun su matessi D.P.R. 17 de trìulas 2020, sunt istadas cunvocadas, pro sas dies 20 e 21 de cabudanni 2020, sas eletziones supletivas de su Senadu de sa Repùblica in su collègiu uninominale 03 (Tàtari) de sa Regione Sardigna;

CUNSIDERADU chi su plessu iscolàsticu de s'Iscola de s'Infàntzia de Pàdria, chi est in carrera Mannu 8, est sede de sègiu elettorale pro su Comune de Pàdria;

TORRADA A CRAMARE sa deliberatzione de su Consìgiu Comunale de custu Ente n. 31 de su 08/10/2018, cun sa cale, in acordu cun su Comune de Mara, est istadu istabilidu chi su plessu iscolàsticu de s'Iscola de s'Infàntzia pro sos bator annos iscolàsticos imbenientes a su biènniu 2018/2020, ossiat dae su 2020-2021 a su 2023-2024, siat postu in su Comune de Pàdria;

DADU ATU chi, cun deliberatzione n. 40/3 de su 04.08.2020, sa Giunta Regionale Sarda at determinadu su calendàriu iscolàsticu pro s'annualidade 2020/2021 in sa Regione Sardigna, fissende comente data de cumintzu de sas letziones su 22 de cabudanni 2020;

AMMENTADU chi:

- Cun dichiaratzione de su 30 de ghenàrgiu 2020 s'Organizatzione mondiale de sa sanidade at valutadu s'epidemia dae COVID-19 comente un'emergèntzia de sanidade pùblica de rilevàntzia internatzionale;
- Cun dichiaratzione imbeniente in data 11 de martzu 2020 s'Organizatzione mondiale de sa sanidade at valutadu s'epidemia dae COVID-19 cale "pandemia" in cunsideratzione de sos livellos de isparghidura e gravidade seguidados a livellu globale;

ÀPIDU RIGUARDU a sas dispositziones istatales e regionales emìtidas in matèria de preventzione e cuntenimentu de su virus COVID-19;

RECONNÒSCHIDA sa netzessidade de serrare sos locales de s'Iscola de s'Infàntzia de Pàdria pro cunsentire s'aprontadura de sos sègios, sas operatziones imbenientes de votu e iscrutiniu e sa sanificatzione netzessària prima de s'intrada a sos locales de sos pitzinnos chi frequentant s'iscola;

APREZIADU OPORTUNU providire pro cantu in ogetu, pro cunsentire sas operatziones de votu e limitare cantu prus possìbile s'isparghidura de su virus COVID-19 in su territòriu de custu Ente pro mèdiu de s'adotzione de instrumentos efcatzes in relatzione a sas particularidades chi caraterizant custu territòriu;

RECONNÒSCHIDA sa cumpetèntzia pròpia in cunforma a sas dispositziones in vigèntzia normativas, regulamentares e istatutàrias, lende connoschèntzia de sas motivatziones de deretu e de fatu, in cunforma a su cumbinadu dispostu de sos art. 50 e 54 de su D.Lgs. 267/2000 e mm.ii.ii.;

Pro cantu finas a inoghe premitidu est de si ritènnere parte integrante e sustanziale de s'Ordinàntzia presente;

ÒRDINAT

Sa **serrada** de sos locales de s'Iscola de s'Infàntzia Istatale de Pàdria, chi sunt in carrera Mannu n. 8, **dae sas oras 15:00 de sa die 19/09/2020 a sas oras 14:00 de su 23/09/2020**, pro sas operatziones de aprontadura de sos sègios, votatzione, iscrutiniu pro sas consultatziones elettorales de su 20 e 21 de cabudanni 2020 e sa sanificatzione netzessària.

In sas matessis dies, est cunsentida s'intrada a sos locales de s'Iscola de s'Infàntzia ebbia a su personale addetu a sa pulitzia, sanificatzione e aprontadura.

DISPONET

Sa trasmitidura de s'ordinàntzia presente a su Dirigente de s'istitutu Cumprensivu de Putumajore pro s'adotzione de sos provvedimenti de cumpetèntzia pròpia, e puru sa publicatzione sua in s'Albu pretòriu e in su situ istituzionale de s'Ente.

Pàdria, 14/09/2020

Su Sindigu

Dot. Alessandro Mura

Traduzione de s'operadora de s'isportellu linguisticu de Pàdria

Maria Leonarda Correddu

